



TEZAUUR LITURGIC
7 DECEMBRIE

SLUJBA
SF. IERARH
AMBROZIE,
EPISCOPUL
MEDIOLANUMULUI



MOSCOVA, 2000



Мѣсяца Декѣмврія въ 7-й дѣнь СЛУЖБА СЯТИТЕЛЮ АМВРОСІЮ, ЕПИСКОПУ МЕДИОЛАНСКОМУ

НА МАЛѢЙ ВЕЧЕРНИ,

На Господи возвахъ: стихиры на 4, гласъ 8:

Аще и не красна похвала во устѣхъ грѣшныхъ,* и сего ради достоитъ намъ любити молчаніе паче,* ниже хвалы слагати святымъ.* Обаче, вѣдуще, недостойнии,* яко пѣмъ праведнаго празднуется съ похвалами,* молимъ Тя, Господи:* даждь намъ уста и силу* почтити днесь пѣмъ сятителя Твоего Амвросія* пѣніи и пѣснями духовными.

Приидите, чада новаго Сіона,* ликъ себѣ совокупльше,* согласно воспоймъ сятителю Амвросію:* радуйся, отче священнѣйшій,* радуйся, красото Медиолана,* пастырю добрый, архіерею Божій святей,* радуйся, звѣздо на тверди церковнѣй осіявшая міра концы,* радуйся, слуго Христовъ вѣрнѣйшій,* добръ службу свою совершивый.* И нынѣ, со ангелы, ликуя горѣ не премолчи,* вопія за ны ко Господу.

Подража́теля человеколю́бію
 Спа́сову* істиннаго стра́жа до́му Бо́жія
 неусы́пнаго,* строи́теля благода́ти
 Бо́жія,* му́драго церкве́й
 украси́теля,* плѣне́нныхъ искупі́теля,* ста́ду
 Христо́ву па́стыря до́браго,* вы́ну гото́ваго
 положи́ти ду́шу свою́ за о́вцы своя́, свята́го
 Амвро́сія,* восхва́лимъ, вѣ́рніи, по
 досто́янію,* чту́ще па́мять его́.

На стра́сти вельми́ подви́зався въ жи́зни
 вре́менній,* и плоть свою́ ду́хови
 покоривъ,* проче́е во плоти́, аки безплоте́нь,* на
 земли́, аки еди́нь отъ небе́сныхъ пожи́ль еси́,
 святи́телю,* и Бо́гови до конца́ угоди́ль
 еси́.* Сего́ ра́ди зове́мъ ти:* ра́дуйся, а́нгеле
 земный́ и челове́че небе́сный;* ра́дуйся,
 соверше́нства духо́внаго рачи́телю;* ра́дуйся,
 подвиго́мъ вели́кихъ отце́въ
 подража́телю;* ра́дуйся, Амвро́сіе, богоно́се отче
 нашъ.

Сла́ва, гла́сь 7:

Проро́ку Илі́и подража́я въ ре́вности, Предте́чи
 въ дерзнове́ніи, всѣ́мъ же святи́мъ во
 благоче́стіи, святи́телю Амвро́сіе, бы́ль еси́
 вои́стинну челове́къ Бо́жій, іера́рхъ вели́кій,
 му́жъ пра́вды, грѣ́шныхъ исправле́ніе,

невѣрныхъ богомудренное обращеніе и просвѣщеніе. Тѣмже, въ воздаяніи святолюбному житію твоему, предстоиши нынѣ горнему престолу Царя Христа, и теплѣ молиши Его о душахъ нашихъ.

И нынѣ, гласъ тойже:

Еже радуйся, Тебѣ зовѣмъ, со ангеломъ, Богоневѣсто, чертогъ, и двѣрь, и престолъ огненный нарицающе Тебѣ, и несѣкомую гору, и купину неопалимую.

На стиховнѣ стихиры, гласъ 6:

Яко добрый кормчій,* святителю Амвросіе,* преплывъ душепагубную пучину аріанскія злобы,* добръ управилъ еси корабль Цѣркве Миланскія,* ко пристанищу истинныя вѣры и упованія.

Стихъ: Честна предъ Господемъ* смѣръ преподобныхъ Его.

Сѣ дніе мой, оскудѣвающе помалу, исчезають,* храмъ мой тѣлесный къ разрушенію приклоняется,* и уже часъ смѣрти моея не коснѣтъ.* Что буду прочее?* Како изыти имать душа моя* отъ брѣннаго тѣлесѣ сего?* Како предстану лицу Создателя моего,* весь въ сквернахъ сый?* Но ты, о надеждо моя, святыи

Амвросіе,* предста́ни ми́ тогда* и покрóй
срамоту́ души́ моея́,* вѣ́мъ бо, я́ко свѣ́тии, и́же на
небесѣ́хъ,* тща́тся на зѣ́млю сходи́ти* во е́же
помощи́ умира́ющимъ,* съ вѣ́рою же
проси́вшимъ ихъ заступле́нія* проти́ву духо́въ
зло́бы поднебе́сныхъ.

Стихъ: Свяще́нницы Твои́ облеку́тся въ
пра́вду,* и преподо́бнии Твои́ возра́дуются.

Кто́ пла́калъ, и ты́ не рыда́лъ еси́ съ
ни́мъ?* Ра́довался, и ты́ не сора́довался еси́,
ми́лостиве?* Вои́стинну ты́ всѣ́мъ бы́лъ еси́
вся́.* Тѣ́мже, прешѣ́дь юдо́ль сѣ́тованія́ и
пла́ча,* досто́йно вселя́еши́ся съ
преподо́бными,* въ Ца́рствѣ́ ра́дости
несконча́емая,* идѣ́же нѣ́сть болѣ́знь, ни печа́ль,
ни воздыха́ніе,* но жи́знь безконѣ́чная.

Сла́ва, гла́съ 2:

Я́ко фи́никсъ процвѣ́лъ еси́ вѣ́рою, я́ко кринь
облагоуха́лся еси́ наде́ждою и любове́ю, и я́ко
ке́дръ, и́же въ Лива́нѣ, умно́жился еси́ всѣ́ми
благими́ дѣ́лы, о́тче Амвросіе, бы́въ ста́ду твоему́
и́стинный па́стырь, Це́ркви о́тець и учи́тель,
а́нгель и чудотво́рецъ, просла́вивый Бо́га въ
тѣ́лесі́ и души́ сво́ей.

И нынѣ, гласъ тойже:

Яко лѣвъ, рыкаѣй, ходи́тъ діаволъ, прісно зія́я пожре́ти мя́ и свести́ во а́дъ жи́ва, но Ты́, наде́ждо моя́, Богоро́дице, изба́ви мя́ лю́тыхъ чѣлюстей губителя сего́.

Тропа́рь, гласъ 4:

Прави́ло вѣры и о́бразъ кро́тости, воздержані́я учителя яви́ ты ста́ду тво́ему́ я́же веще́й исти́на. Сего́ ра́ди стяжа́лъ еси́ смире́ніемъ вы́сокая, нището́ю бога́тая, о́тче священнонача́льниче Амвро́сіе, моли́ Христа́ Бо́га, спасти́ся ду́шамъ на́шимъ.

Инъ тропа́рь, гласъ тойже:

Божѣственнаго вдохнове́нія о́ргане, добродѣ́телей апо́стольскихъ прича́стниче, Рі́ма красное процвѣ́теніе, Амвро́сіе, іера́рше блаже́нне, ца́ря обличи́лъ еси́ и вселе́нную въ благоче́стїи утверди́лъ еси́. Тѣ́мже моли́ся Христу́, дарова́ти на́мъ ве́лію ми́лость.

Сла́ва, и нынѣ, богоро́диченъ:

Еже отъ вѣ́ка утае́нное, и а́нгеломъ несвѣ́домое та́инство: Тобо́ю, Богоро́дице, су́щимъ на земли́ яви́ся, Бо́гъ въ несли́тномъ соедине́ніи воплоща́емъ, и крѣ́сть во́лею на́съ ра́ди

воспрі́ймъ, і́мже воскреси́въ перво́зданнаго,
спасе́ отъ смѣ́рти ду́ши на́ша.

НА ВЕЛИЦЬЙ ВЕЧЕРНИ,

**Блаже́нъ му́жъ.., 1-й антифо́нъ. На Го́споди
воззва́хъ: стихи́ры на 8, гла́съ 2:**

Прии́дите, лю́ди Бо́жіи,* ста́немъ до́бръ,
ста́немъ со стра́хомъ* въ до́мѣ Бо́га
на́шего,* хва́ляще свя́тителя
Амвро́сія,* ме́діола́новъ сла́дкоглаго́ливаго
наста́вника,* іе́ра́рховъ украше́ніе,* Правосла́вія
побо́рника:* се́ бо съ го́рнихъ
высо́тъ* призира́етъ на пѣ́ніе на́ше,* и ѿи́мѣамъ
моли́твъ сво́ихъ о на́съ* возно́ситъ ко Го́споду.

Ме́діола́на не оста́вляя,* Ри́мъ посѣ́щая,* и къ
на́мъ прихо́диши ду́хомъ,* свя́тителю
Амвро́сіе,* вѣ́рно чту́чимъ па́мѣть твою́,* и отъ
души́ зову́щимъ:* не забу́ди на́съ, о́тче,* лю́бовію
хва́лящихъ тя́.

Праве́дно при́ялъ еси́, свя́тителю
Христо́въ,* і́мя сла́дости тезоимени́тое:* яви́ бо
сіе́ Бо́гъ ро́емъ пчѣ́ль,* я́же, ино́гда спя́щу
ти,* влета́ху во уста́ тво́я,* ме́дъ на язы́цѣ
полага́юще,* и полета́ху, не врежда́юще тя́.* Чт́о
показу́етъ сіе́ та́инство,* сѣ́мъ Госпо́дь

прозна́менова,* যাко со́тове медо́вніи бу́дуть
слова́ твоя́,* сла́дость же ихъ — ду́шъ
исцѣ́леніе.

Воистинну сла́дость духо́вная* медіола́номъ
бы́лъ еси́, святи́телю Амвро́сіе,* сла́дкими твои́хъ
уче́ній струй* ду́ши ихъ напо́яя,* отъ го́рести
ари́анскія очища́я,* се́рдца стра́ждущихъ
успоко́яя.* Успоко́и, о́тче, и на́ши
ду́ши,* огорче́нныя преле́стію зміевою,* и бу́ди
на́мъ въ ско́рбехъ утѣ́шеніе,* въ бо́лѣзнехъ
исцѣ́леніе.

**[Ины стихиры,] гла́съ 6. Подо́бенъ: Все́
отло́жше.**

Отче святы́й Амвро́сіе,* ты́ не да́ль еси́ очі́ма
твои́ма сна́,* ниже́ вѣ́ждама твои́ма
дрема́нія,* имѣ́я па́мять сме́рти
незабы́тнующу,* тече́ніе слезъ
неоску́дное,* воздыха́нія ко оте́честву го́рнему
при́сныя,* бде́ніе и трудо́у неуста́нныя.* Сего́
ра́ди пѣ́сньми велича́емъ* дивное житі́е твоё.

Вели́ка вѣ́мы тя́ въ ну́ждахъ
помощника,* святи́телю ми́лостиве,* ни́щихъ
пита́теля,* си́рыхъ о́тца-
покрови́теля,* оби́димымъ заступника,* всѣ́мъ
скорбя́щимъ утѣ́шителя.* Тѣ́мже и блажѣ́мъ
хвале́бно* ве́ліе твоё милосе́рдіе.

Ка́ко не воспѣти, о́тче,* и ре́вности твоея́ по Бо́зѣ?* Ду́хомъ бо Илі́и поревнова́въ,* ты́ возбрани́лъ еси́ Θεодо́сію вни́ти въ це́рковь,* во́еже приобщи́тися святы́я Евхарі́стіи,* со дерзнове́ніемъ рекі́и ему́:* не подоба́еть ти, о ца́рю, содѣ́явшу уби́йство,* съ вѣ́рными приобщи́тися.

Егда́ Θεодо́сій ца́рь,* хотя́й оправди́тися въ уби́йствѣ́ своѣ́мъ,* вѣ́ща́ше ти́ о преступле́ніи Дави́довѣ,* ты́, о́тче, ре́клъ еси́ къ нему́:* подража́лъ еси́ Дави́ду грѣ́шащу,* подража́й ему́ и ка́ющуся.* И, преда́въ Θεодо́сіа отлуче́нію,* учи́лъ еси́ его́ пла́чу о грѣ́сѣхъ сво́ихъ.* Пла́кати возбуди́ и на́съ о грѣ́сѣхъ на́шихъ,* о́тче святы́й.

Сла́ва, гла́съ 5:

Что́ тя наре́чѣмъ, о святы́й Амвро́сіе? Па́стыря сло́весныхъ ове́ць, я́ко бдѣ́лъ еси́ о душа́хъ ихъ; наста́вника вѣ́рнымъ вели́каго, я́ко учи́лъ еси́ ихъ сло́вомъ и житі́емъ твои́мъ; дѣ́лателя вертогра́да Христо́ва, я́ко отребі́лъ еси́ его́ отъ плéвель Арі́евыхъ; Наѡ́ана второ́го, я́ко обличі́въ грѣ́хъ Θεодо́сіа, учи́лъ еси́ того́ пока́янію. Къ сему́ же и на́съ возста́ви, во грѣ́сѣхъ пребы́вающихъ.

И ны́нѣ, гласъ 7:

Пре́жде вѣ́къ Сый въ нѣ́дрѣхъ Отчихъ, въ послѣ́докъ днѣ́й чре́ва двѣ́ческаго не возгнуша́выйся, Иису́се, гряди́ роди́тися плоти́ю въ Вио́леемѣ: се́ бо тва́рь па́дшая стене́тъ подь и́гомъ рабо́ты вра́жия, ча́я Тебе́, Утѣ́хи Изра́илевы. Се́ уже́ гото́ва вся́ ко срѣ́тению Твоему́: отъ земли́ — верте́пъ, съ небесе́ — звѣ́зда, отъ а́нгель съ па́стырьми — славосло́вие, отъ во́лхвовъ — зла́то, лива́нъ и сми́рна, отъ на́съ же — пѣ́снь Дави́дска и гласъ отроко́въ: О, Го́споди, спаси́ же! О, Го́споди, поспѣ́ши же! Благослове́нъ Гряды́й во и́мя Госпо́дне! Оса́нна Ца́рь Изра́илевъ!

**Входъ. Прокимень дне. Чтѣнія три.
Притчей чтѣніе. [Главы 15 и 16.]**

Слу́шай обличѣ́ній живота́, посредѣ́ премудрыхъ водворится. Иже отме́таетъ наказаніе, ненави́дитъ себѣ́; соблюда́й же обличѣ́нія, лю́битъ свою́ ду́шу. Стра́хъ Госпо́день — наказаніе и премудро́сть, и нача́ло сла́вы отвѣ́щаетъ ей, предъиде́тъ же смире́ннымъ сла́ва. Вся́ дѣ́ла смире́ннаго явленна предъ Бо́гомъ, нечи́сть предъ Бо́гомъ вся́къ высо́косерды́й. Нача́ло пу́ти блага́, еже твори́ти пра́ведная, прі́ятна же предъ Бо́гомъ

па́че, не́жели жре́ти же́ртвы. Ищай Го́спода
 обря́щеть ра́зумъ со пра́вдою, пра́вѣ же и́щущи
 Его́ обря́щутъ ми́ръ. Ме́рзость ца́реви, твора́й
 зла́я, со пра́вдою бо уготовля́ется престо́лъ
 нача́льства. При́ятны ца́рю устнѣ́ пра́ведны,
 словеса́ же пра́вая лю́битъ Госпо́дь. Яро́сть
 ца́рева — вѣ́стникъ сме́рти, му́жъ же прему́дръ
 утоли́тъ его́. Угнѣ́ждѣ́нія премудро́сти избра́ннѣе
 зла́та, вселе́нія же ра́зума дража́йши сребра́.
 Пути́е жи́зни укланя́ются отъ злы́хъ, долготá же
 жити́я — пути́е пра́ведни. Прие́мляй наказа́ние, во
 благи́хъ бу́детъ, храня́й же обличе́ния, умудри́тся.
 Иже храни́тъ своя́ пути́, соблюда́етъ свою́ ду́шу.
 Разу́мный въ ве́щехъ, обрѣ́татель благи́хъ;
 надѣ́йся же на Го́спода блаже́нъ. Прему́дрыя и
 разу́мныя злы́ми нари́чутъ, сла́дци же въ
 словеси́ мно́жае услы́шани бу́дутъ. Исто́чникъ
 живо́тень — ра́зумъ стяжавши́мъ, наказа́ние же
 безу́мныхъ — зло́. Се́рдце прему́драго
 уразумѣ́тъ, я́же отъ свои́хъ ему́ у́стъ, во устна́хъ
 же но́ситъ ра́зумъ. Со́тове медо́вни — словеса́
 до́брая, сла́дость же ихъ — исцѣ́леніе ду́ши.

Ца́рствъ вторы́хъ чтѣ́ніе. [Глава́ 12.]

Посла́ Госпо́дь Наѡ́ана проро́ка къ Дави́ду. И
 вни́де къ нему́ и рече́ ему́: сія́ глаго́летъ Госпо́дь,
 Бо́гъ Изра́илевъ: Азъ е́смь пома́завый тя́ въ ца́ря
 надъ Изра́илемъ, и Азъ е́смь изба́вивый тя́ отъ

руки Сауловы; и дахъ ти домъ господина твоего и дахъ ти домъ Израилевъ и Іудинъ; и аще мало ти есть, приложу тебѣ къ симъ. И что, яко презрѣлъ еси слово Господне, еже сотворити лукавое предъ очима Его? Урю Хеттеанина убилъ еси мечемъ и жену его поялъ еси себѣ въ жену, и того убилъ еси мечемъ сыновъ Аммонихъ. И нынѣ не отступитъ мечъ отъ дому твоего до вѣка, зане уничижилъ Мя еси. И рече Давидъ къ Наѳану: согрѣшихъ ко Господу. И рече Наѳанъ къ Давиду: и Господь отъя согрѣшеніе твое, не умреша. И отиде Наѳанъ въ домъ свой. И сокруши Господь дѣтище, еже роди жена Урина Давиду, и разболѣся. И взыска Давидъ Бога о дѣтищи, и постыся Давидъ постомъ, и вниде и водворися, и лежаше на земли. И внидоша къ нему старѣйшины дому его воздвигнути его отъ земли, и не восхотѣ, и не яде съ ними хлѣба.

Премудрости Соломона чтеніе. [Глава 4.]

Праведникъ, аще постигнетъ скончатися, въ покой будетъ. Старость бо честна не многолѣтна, ниже въ числѣ лѣтъ исчитается. Съдина же есть мудрость человекомъ, и возрастъ старости — житіе нескверное. Благоугоденъ Богу бывъ, возлюбленъ бысть, и живый посреде грѣшникъ, преставленъ бысть. Восхищенъ бысть, да не

злоба измѣнить разума его или лѣсть прельстить душу его. Раченіе бо злобы помрачаєть добрая и пареніе похоти, премѣняєть умъ незлобивъ. Скончався вмалѣ, исполни лѣта долга, угодна бо бѣ Господеви душа его, сего ради потщася отъ среды лукавствія. Людіе же видѣвше и не разумѣвше, ниже положше въ помышленіи таковое, яко благодать и мѣлость въ преподобныхъ Его и посѣщеніе во избранныхъ Его.

На литіи стихиры, гласъ 5:

Приидите, о чада Цѣркве Христовой, очищенными умы и чувствы, насладимся утѣшенія духовнаго: днесь бо Владыка Христосъ учреди намъ пиръ духовный — память святителя Амвросія, веселящую души наша.

Празднующе память святителя Амвросія и восхваляюще житіе его, о возлюбленніи братіе, поревнуємъ вѣрѣ и добродѣтелемъ его: сіе бо єсть пріятно предъ Спасителемъ нашимъ Богомъ, и угодно Спасителю паче всѣхъ хваленій нашихъ.

Кіими добродѣтелями не украсилъ еси душу твою, святителю? Ревнуя, поревновалъ еси всѣмъ святымъ: Матери Божіей во смиреніи, ангеламъ въ пѣснопѣнніи, святителямъ въ премудрости, мученикомъ въ терпѣнніи,

преподобнымъ въ молитвѣ и пощеніи. Тѣмже вся имѣя добрая, елика прелюбезна Господеви, настави и насъ творити волю Его.

Слава, гласъ 7:

Вѣдая, премудре, яко ярость царева вѣстникъ смѣрти естъ, и яко гнѣвъ бываетъ виновень всякія злыя вѣщи подъ небесѣмъ, утолялъ еси ярость Θεодосія царя, и училъ еси того не износити скоро судъ на повинныя. Настави и насъ, отче, не износити слова осужденія на ближняя своя, подави ярость сердець нашихъ, и утоли гнѣвъ Божій, движимый на насъ, грѣхъ ради нашихъ.

И нынѣ, гласъ 3:

Виолеѣме, готовися на срѣтеніе Дѣвы Маріи Богоматере: се бо грядетъ къ тебѣ, Младенца носящи Христа, собезначальнаго Отцу и Духу присно. Егже въ вертепѣ родить, и по рождествѣ Дѣва паки явится.

На стиховнѣ стихиры, гласъ 2.

Подобень: Егда отъ дрѣва.

Богатство скорогібнущее,* сребро и злато,* славу и почести суетныя,* отче Амвросіе,* вмѣнивъ, яко цвѣтъ травный,* утрѣ цвѣтуцій и на вечеръ отпадающій,* и Христа

еди́наго возжелѣвъ,* я́ко сокрови́ща
дража́йшаго всѣхъ сокрови́щъ,* путе́мъ
прискорб́нымъ шествова́лъ еси́,* и
совершенство́мъ духо́внымъ,* а́ки бисеро́мъ
свѣта́йшимъ,* ду́шу твою́ на землѣ украси́лъ
еси́.* Тѣмже ны́нѣ украше́нь еси́,* вѣнце́мъ
не́тлѣнія на небеси́* отъ десни́цы Христа́ Бо́га.

Стихъ: Че́стна предъ Го́сподемъ* сме́рть
преподо́бныхъ Его́.

Че́стна и прече́стна вои́стинну сме́рть
твоя́,* о́тче, сла́дости тезоимените́,* и досто́ить ю́
нареши́ па́че со́нъ, не́же сме́рть:* усади́ бо
го́рестъ ея́ сла́дость церковна́я — Сладча́йшій
Иису́съ,* прише́дый ко одру́ твоему́, раду́ясь* и
свѣтлое Своё́ лице́ явля́яй.* Помози́ же и мнѣ́,
о́тче,* въ стра́шный ча́съ сме́ртный,* да не я́та
бу́детъ ду́ша моя́* зубы́ лю́тыхъ де́моновъ.

Стихъ: Свяще́нницы Твои́ облеку́тся въ
пра́вду,* и преподо́бнии Твои́ возра́дуются.

О́тче святы́й Амвро́сіе,* благода́ть
святите́льства отъ Го́спода прие́мъ,* не въ землѣ́
талантъ сво́й сокры́лъ еси́,* но,
единоре́внителенъ въ труда́хъ апо́столомъ
бывъ́,* во сто́ кра́тъ о́ный умно́жилъ еси́,* и сего́
ра́ди вше́лъ еси́ въ небе́сный черто́гъ Царя́

сла́вы,* идѣ́же свѣ́тїи всѣ́ сі́яють, ꙗ́коже
свѣ́тила,* причаща́яся сла́дости райскі́я.

Сла́ва, гласъ 1:

Сла́ва Тебѣ́, Вседѣ́телю, поста́вивый на
свѣ́щницѣ́ Медіола́нстѣ́мъ свѣ́тїльника вели́каго,
Амвро́сія, ꙗ́же просі́а добродѣ́тельми мно́гими,
проповѣ́даніемъ немол́чнымъ, ре́вностію о сла́вѣ
Христо́вой пла́менною, вѣ́рою тве́рдою, лю́бовію
нелице́мѣрною, упова́ніемъ крѣ́пкимъ, моли́твою
непреста́нною. Его́же мо́льбами, о Свѣ́тѣ́й
Го́споди, и на́съ укрѣ́пи твори́ти во́лю Твою́.

И ны́нѣ, гласъ тойже:

Па́стыріе вио́леемстіи, не да́дите очі́ма
ва́шими сна́, ниже́ вѣ́ждома ва́шими дрема́нія.
Волсві́ персидстіи, взѣ́мше да́ры — зла́то, и
лива́нъ и сми́рну, те́цѣте къ Вио́леему, жре́бію
Іу́дову. Пѣ́вцы небес́нии, потщѣ́тесь угото́вити
гимнѣ́: сла́ва въ вы́шнихъ Бо́гу, и на землі́ ми́ръ,
во челове́цѣхъ благоволе́ніе! Се́ бо Ца́рь сла́вы —
Исусъ Пребоже́ственный, прикло́нь небеса́ и во
утро́бу Дѣ́выя все́лся, грядѣ́тъ въ Не́й, ꙗ́ко на
престо́лѣ́ Божества́ и во обла́цѣ́хъ ле́гцѣ́хъ, разруши́ти
дѣ́ла ді́аволя, и свободи́ти тва́рь Свою́ отъ
рабо́ты иста́внїя.

**На благословеніи хлѣбовъ: Тропарь, дважды.
И Богородице Дѣво.., единожды.
А идѣже нѣсть всенощнаго бдѣнія: на
велицѣй вечерни, по Нынѣ
отпущаеши.., глаголемъ тропарь единожды.
Слава, и нынѣ, богородиченъ воскресенъ.**

НА УТРЕНИ,

**На Богъ Господь: Тропарь: Правило вѣры.., или
Божественнаго вдохновенія органе.., дважды.
Слава, и нынѣ, богородиченъ: Еже отъ вѣка
утаенное...**

По 1-мъ стихословіи сѣдальны, гласъ 2:

**Образъ медіоланомъ былъ еси, угодниче Божій
Амвросіе, словомъ, житіемъ, любовію, духомъ,
вѣрою, чистотою, озаряя Церковь Христову
свѣтомъ твоихъ добродѣтелей, и вся къ Богу
направляя премудрыми твоими словесы.**

Слава, гласъ 3:

**Жезлъ святительства твоего, богомудре,
войстинну бысть жезлъ правости: право бо
правиль еси слово истины Христовы, имѣя
образъ здравыхъ словесъ во устѣхъ своихъ, и
аріанъ, аки псовъ лающихъ, прогоняя отъ**

ограды овецъ твоихъ, прашею твоего учения и каменемъ твоея вѣры.

И нынѣ, гласъ 8:

Сіоне, торжествуй, Іерусалиме, веселися, граде Христа Бога, подыми Зиждителя, въ вертепѣ и яслѣхъ вмѣщаемаго, отверзите ми врата и, вшедъ въ ня, узрю яко Младенца, пеленами, повиваемаго, дланію же содержащаго тварь, Егоже поють ангели непрестаннымъ гласомъ, Жизнодавца Господа, спасающаго родъ нашъ.

По 2-мъ стихословіи сѣдаленъ, гласъ 4:

Аще и обышедше, обыдоша тя злочестивіи аріане, разгорѣшася на тя злобою, яко огонь въ терніи: обаче имѣя жезлъ силы — крѣпость евангельскую, посланную ти отъ Сіона небеснаго, господствовалъ еси посредѣ враговъ твоихъ, святителю Амвросіе.

Слава, гласъ тойже:

Глаголалъ еси о свидѣніихъ Сладчайшаго ти Господа предъ цари и царицы, и не стыдился и не боялся еси гнѣва ихъ, угодниче Божій, готовый умерети паче, неже истину предати въ поруганіе беззаконнымъ. Тѣмже и Господь не устыдѣся тебе, егда, по отшествіи отъ житія временнаго, предсталъ еси лицу Его, но

прослави́ ты́ сла́вою вѣ́чною, и па́ки просла́вить, егда́ при́детъ во сла́вѣ́ Отца́ Сво́его́ суди́ти мі́рови.

И ны́нѣ, гла́съ 8:

Предпразднуи́мъ, лю́діе, Христо́во Рожде́ство, и, возне́сше у́мъ къ Ви́шнему, вознесѣ́мся мы́слию, и усмо́тримъ Дѣ́ву душе́вными очі́ма, иду́щую роди́ти въ верте́пѣ́ всѣ́хъ Го́спода и Бо́га на́шего. Е́гоже Іо́сифъ ви́дѣвъ чуде́съ вели́чество, мня́ше чело́вѣка зрѣ́ти, я́ко младе́нца, пелена́ми повива́ема, поразумѣ́ваше же о́тъ веще́й Бо́га бы́ти и́стиннаго, подаю́щаго душа́мъ на́шимъ ве́лію ми́лость.

Псаломъ 134: Хвалите́ и́мя Госпо́дне...

Велича́ние: Велича́емъ ты́, святи́телю о́тче Амвро́сіе, и чте́мъ святу́ю па́мь твою́, ты́ бо мо́лиши за на́съ Христа́ Бо́га на́шего.

Псаломъ избра́нный: Услы́шите сі́я вси́ язы́цы...

По по́ліелѣи сѣ́даленъ, гла́съ 4:

Не За́падъ то́чию хва́литъ испра́вленія тво́я, чудотво́рче вели́кій, но и мы́, ча́да Правосла́вныя Восто́чныя Це́ркве, велича́емъ ты́, и чте́мъ святу́ю па́мь твою́, ты́ бо днесѣ́

соприсутствуя намъ духомъ твоимъ, и внемля пѣнію и моленію нашему, выну молиши за насъ на небеси Христа Бога нашего. **[Дважды.]**

Слава, и нынѣ, богородиченъ, гласъ 3:

Всю Тя Богъ освяти, Дѣву добрую и непорочную въ женахъ, пророки прообразивъ честно, іереи благословивъ, во Святая святыхъ всели, ангеломъ воспитавъ, съ небесе пищу хлѣбъ подавъ, Самъ же Преплагій, Единородное Богъ Слово, вселися въ Тя и плотию пройде изъ Тебе. Тѣмже Ти покланяемся и чтимъ яко воистинну истинную сущую Богородицу.

Таже степенна, 1-й антифонъ 4-го гласа:

Отъ юности моея... Прокименъ, гласъ 4:

Честна предъ Господемъ* смѣртъ преподобныхъ

Его. Стихъ: Что воздамъ Господеву о всѣхъ, яже

воздаде ми? Всякое дыханіе... И проч.

Евангеліе Іоанна, зачало 36: Рече Господь ко

пришедшимъ къ Нему іудеомъ: Азъ есмь... Таже

псаломъ 50-й.

По 50-мъ псалмѣ стихи́ра, гласъ 6:

Не прелазя инудѣ, но двѣрьми во дворъ овчій вошелъ еси, святителю Амвросіе: Самъ бо Господь призва тя на святительство гласомъ младенца немощствующаго, въ Цѣркви

воззвѣвшаго: Амвросій епископъ! Тѣмже вси, внѣмше гласу отрочаѣ, еди́наго тя изволяху епископа имѣти. Ты́ же, смиренномудре, а́ще и бѣ́галъ еси́ святительскаго сана, о́ба́че повиную́ся во́ли наро́да и ца́ря, па́че же зва́нiю небѣ́сному, прiя́лъ еси́ епископство, и до́брѣ упаслъ еси́ Бо́гомъ да́нныхъ тебѣ́ ове́цъ.

Канонъ Одигитріи Богородицы со ирмосомъ на 6 и святителя на 8.

[Канонъ Богородицы, гласъ 4:]

Пѣснь 1.

Ирмосъ: *Отвѣрзу уста́ моя́, и напо́лнятся Ду́ха, и сло́во отры́гну Цари́цѣ́ Ма́тери, и явлю́ся, свѣ́тло торже́ству́я, и воспою́, ра́дуясь, То́я чудеса́.*

Радостно, Чистая, ны́нѣ наста́вшее хвалѣ́ніе приноша́ю, ра́дуясь, и ти́химъ гласомъ, Одиги́тріе, вопію́ Ти: ра́дуйся и испо́лни мя́ ра́зума, пѣ́ти начина́юща.

Христа́ родившая, ра́дость на́мъ вѣ́чную, о, ра́дуйся, Всепѣ́тая, правосла́внымъ наде́жда, Одиги́тріе, всепѣ́тая Дѣ́вице! Ра́дости испо́лни мя́ ми́рови желáнныя.

Лику́ють вси́ челове́цы и а́нгели, всегда́ согла́сно вопію́ще на небеси́ и на землі́,

Одигітріе: раду́йся, Дѣви́це, ра́дости бо Рождество́мъ Твои́мъ вся́ческая исполни́ла еси́.

Ра́дуйся, Одигі́тріе, со стра́хомъ Ти́ вопію́щихъ ра́дости сподо́би, Ма́ти су́щія ра́дости, изба́вляющи скорбе́й вся́ческихъ, и всѣ́хъ поми́луй, къ Тебѣ́ прибо́гающихъ.

[И́нъ кано́нъ святи́теля,] его́же краегра́неcie
cie: Амвро́сію святи́телю приноше́ніе ма́лое.

[Гла́съ 8.]

Пѣ́снь 1.

Ирмо́сь: *Во́ду проше́дъ, я́ко су́шу, и египетскаго зла́ избѣ́жавъ, израильтянинъ вопія́ше: Изба́вителю и Бо́гу на́шему пои́мъ.*

Аще и вы́ну со Хри́сто́мъ ца́рствуеши, предсто́я Боже́ственнѣй Тро́ицѣ на небеси́, уго́днице Бо́жій Амвро́сіе, оба́че и до́лу су́щія съ вѣ́рою же прося́щія по́мощи твоея́, огражда́еши мощны́мъ покрóвомъ защи́щенія твоего́ отъ бѣ́дъ и зóлъ.

Медиола́номъ че́стію взыска́нный, и недостóйна таковы́я, вмѣ́нивый себе́, преподо́бне, наста́ви и мене́ то́жде смиренномудрствовати о себѣ́, да приéмлю поноше́ніе и уничиже́ніе, я́ко сла́ву и возвыше́ніе; укори́зны и досаждéнія, я́ко че́сть и благохва́леніе.

Волю́ Бо́жію, зову́щую тя́ на святи́тельство, уразумѣ́въ, любо́мудре, повину́лся еси́ онѣ́й, я́ко ра́бъ послушли́вый своему́ Влады́цѣ, си́це и мене́ научи́ разумѣ́ти, что́ е́сть во́ля Бо́жія блага́я, уго́дная и соверше́нная, и прі́сно слѣ́довати то́я хотѣ́нію.

Богоро́диченъ: **Ро́ждшая** Зижді́теля моего́, Влады́чице, бу́ди ми́ обуре́ваему отъ искуше́ній бѣ́совскихъ благонаде́жное окормле́ние, приста́нище и спасе́ние.

Катава́сія: **Христо́съ** ражда́ется — сла́вите! Христо́съ съ небе́съ — сря́щите! Христо́съ на земли́ — возно́ситесь! По́йте Го́сподеви, вся́ земля, и весе́ліемъ воспо́йте, лю́діе, я́ко просла́вися.

Пѣ́снь 3.

Ирмо́съ: **Твоя́ пѣ́сносло́вцы, Богоро́дице, живы́й и незаві́стный Исто́чнице, ли́къ Себѣ́ совоку́пльшія, духо́вно утверди́, въ божѣ́ственны́й Твое́й сла́въ, вѣ́нцевъ сла́вы сподо́би.**

Христа́, Вы́шняго Царя́, о, ра́дуйся, непоколебима́я чі́стая и одушевле́нная пала́то! Ра́дуйся, Оди́гитріе: ра́дуйся, Тобо́ю неруши́мъ на́шъ гра́дъ сохра́няется.

Вмѣстѣ Егѣже не возмо́же тва́рь, во утробу неискусобра́чную, Оди́гѣтріе Дѣ́вице, тѣ́лсно вмѣ́стила еси́, тѣ́мже Тѣ́, ра́дуйся, поѣ́мъ, по до́лгу велича́юще.

Ра́дость многопѣ́тая мі́рови, ра́достно Тѣ́ пою́ще прѣ́сно, вѣ́чнующія, Чѣ́стая, ра́дости сподо́бляе́мся Твои́ми ма́терними моли́твами къ Ро́ждшемуся изъ Тебе́, Оди́гѣтріе.

Злату́ю Тѣ́ ста́мну, и свѣ́щникъ, и же́злъ, и трапѣ́зу, Чѣ́стая, призы́ваемъ, Оди́гѣтріе, и гла́съ е́же, ра́дуйся, Тебѣ́ прѣ́сно привно́шаемъ съ си́ми же и́мены.

И́нѣ.

Ирмо́сь: *Небе́снаго крѣ́га Вѣ́хотво́рче, Го́споди, и Це́ркве Зижди́телю, Тѣ́ мене́ утве́рди въ любви́ Твое́й, жела́ній кра́ю, вѣ́рныхъ утве́ржде́ніе, еди́не Чело́вѣколю́бче.*

Отче святы́й Амвро́сіе, и́же Це́рковь Медиола́нскую отъ крамо́лы наро́дныя невре́жденну соблю́дѣй и ти́шину въ не́й уста́вивый, соблю́дай и ны́нѣ мо́льбами твои́ми Це́рковь Христо́ву отъ мяте́жей, ересей и раско́ловъ, и испроси́ ми́ръ ду́шамъ на́шимъ.

Спасти́ся хотя́ отъ избра́нія во епи́скопа, бѣ́галъ еси́ сю́ду и сю́ду, благоче́стне, но никѣ́

же мѣсто можаше укрьѣти тя, егѣже благоволи Бѣгъ, яко градъ верху горы, и яко свѣщю на свѣщницѣ, на степѣни святительскомъ поставити, да свѣтиши всѣмъ, иже въ Цѣркви Христовѣй сѣтъ свѣтлостію учѣнія житія твоегѣ.

Иисуса, Егѣже возлюбилъ еси, Иисуса, Емѣже усердно послужилъ еси, богомѣдре, бѣвъ Цѣркви Медиоланстѣй ангелъ міра, утѣшенія и просвѣщенія, моли утвердити насъ въ любви святѣй, и спасти дѣши наша.

Богородиченъ: Юже Іаковъ въ лѣствицѣ видѣ, Юже Моисей въ купинѣ усмотрѣ, къ Сѣй, во смиреніи сѣрдца припадѣмъ, зовѣще: Мати Избавителя, призри на насъ, погибающихъ во грѣсѣхъ, со іерархомъ Амвросіемъ молящи Тогѣ спасти дѣши наша.

Катавасія: Прѣжде вѣкъ отъ Отца рождѣнному нетлѣнно Сыну и въ послѣдняя отъ Дѣвы воплощенному безсѣменно, Христу Бѣгу возопіѣмъ: вознесѣй рѣгъ нашъ, Святъ еси, Господи.

Сѣдаленъ, гласъ 3:

Благодатными твоими учѣньми, яко рѣчными устремленіи, веселящими градъ Бѣжій — Цѣрковь святѣю, дѣши вѣрныхъ къ

плодоношенію оросішася, витійство Симмаха зломудраго потопі, Фритигілда къ животу вѣчному привлечёся, аріанстіи полцы низложёни быша. Тѣмже, яко вторый Моисей, безбѣдно прошёдый море житейскихъ волнѣній, и фараона мысленнаго глубиною богомудрія своего потопивый, воспѣлъ еси побѣдную пѣснь Божественный Троицѣ: Тебѣ, Бога, хвалимъ, Тебѣ, Господи, исповѣдуемъ, и не постыдимся во вѣки. Аминь. **[Дважды.]**

Слава, и нынѣ:

Сѣ, якоже проречѣ пророкъ, во чрѣвѣ зачатъ Неискусобрачная Бога и родити явѣ идетъ въ вертепѣ Виолеѣмѣ. Емуже вси поѣмъ: отцѣвъ Боже, благословѣнъ еси.

Пѣснь 4.

Ирмосъ: *Съдѣй въ славу на Престоли Божества во облацѣхъ леги, прииде Исусъ Пребожественный, Нетлѣнною Дланию и спасе зовущія: слава, Христѣ, силъ Твоѣй.*

Радуйся, чѣдо чудесѣмъ, Одигитріе Владычице; **радуйся,** всѣмъ радости градовомъ, и вѣсемъ непобѣдимое христіанское въ бѣдахъ хранилище, и предградіе, и на враги побѣждѣніе.

Рáдуйся, рáдуйся, царёмъ правослáвнымъ похвалó, и христóлюбíвымъ во́инствомъ покрóвъ пребывáеши всёмъ, Цари́це; рáдуйся, Оди́гитрие, приб́жище всёмъ намъ и утверждéние.

Рáдуйся, всёмъ скóрое въ бѣда́хъ избавлéние; рáдуйся, гото́вое всёмъ скорб́ящимъ утѣшéние; рáдуйся, Всеп́тая; рáдуйся, Оди́гитрие Всеблагословéнная, всёмъ немо́щнымъ Цѣлительнице.

Рáдуйся, Ея́же вели́чя вся тва́рь сла́вити у́бо спѣши́тъ по достоя́нью, но не возмога́етъ, Оди́гитрие, и сего́ ра́ди зоветъ Ти: рáдуйся, Влады́чице, Боговмѣстимое жилище.

Инъ.

Ирмо́съ: Ты́ моя крѣ́пость, Го́споди, Ты́ моя и си́ла, Ты́ мой Бо́гъ, Ты́ мое́ ра́дование, не оста́вь нѣ́дра Отча, и на́шу нищету́ поспѣ́и. Тѣ́мъ съ проро́комъ Авваку́момъ зову́ Ти: си́ль Твое́й сла́ва, Человѣ́колюбче.

Судей неправды изобличáвый иногда́ въ бесѣ́дѣ своей къ Валентиниáну царю́, святителю́, умоли́ Всеблага́го Царя́ сла́вы, да не обличи́тъ моя́ сокровéнная, ниже́ посрами́тъ мене́ предъ́

а́нгелы, егда́ при́детъ сотвори́ти пра́ведный су́дь, но да́руеть ми пре́жде конца́ пока́яніе.

Вѣруй улу́чити спасе́ніе во мно́зѣ совѣ́тъ, о́тче, я́коже са́мъ внима́лъ еси́ му́дымъ совѣ́томъ дру́га ду́ши твоея́ — Симплита́на, та́ко и мене́ наста́ви твори́ти вся́ съ совѣ́томъ богому́дыхъ пѣ́стуновъ и отце́въ, да не отпаду́тъ испра́вленія моя́, я́коже ли́ствіе злодѣ́йствомъ вра́жіимъ.

Якоже въ до́льнѣмъ житі́и своѣ́мъ, а́ки звѣ́зды, на тве́рди За́падныя Це́ркве сія́лъ еси́ добродѣ́тельми твоими́, святи́телю, та́ко и ны́нѣ богода́ннымъ ти́ совѣ́томъ возсі́й къ ча́домъ то́я, воспряну́въ отъ мра́ка заблужде́ній, обратят́ся къ Правосла́вию, и благоуго́дни бу́дутъ Восто́ку восто́комъ — Го́споду Иису́су.

Богоро́диченъ: Ты́ еси́ наде́жда моя́, Богоро́дице, Ты́ свѣ́тъ ду́ши мое́й, Ты́ поко́й и ра́дость се́рдцу моему́, Ты́ спору́чница о мнѣ́ къ Сы́ну Твоему́, тѣ́мже спаси́ мя, Влады́чице моя́, мно́го Ти́ согре́шившаго.

Катава́сія: *Же́зль изъ ко́рене Іессее́ва и цвѣ́тъ отъ него́, Христе́, отъ Дѣ́вы прозя́блъ еси́, изъ горы́, Хва́льный, приосѣ́ненныя ча́щи прише́лъ еси́, вопло́щся отъ Неискусому́жныя, Невеще́ственный и Бо́же, сла́ва си́ль Твое́й, Го́споди.*

Пѣснь 5.

Ирмось: Ужасошася всяческая о
Божественный славу Твоей: Ты бо,
неискусобрачная Дѣво, имѣла еси во утробѣ
надъ всеми Бога, и родила еси Безлѣтнаго Сына,
всѣмъ, воспѣвающимъ Тя, мѣръ подающая.

Благостыни бѣдно и щедротамъ еси, радуйся,
Одигитріе Дѣвице; радуйся, всѣмъ радость
творящи вѣрнымъ; о, радуйся, сущимъ въ
бѣдахъ и скорбящимъ пребыстрая заступнице!

Радости, отъ исполненія величія чудесъ Твоихъ
зряще, исполняемся, вси незрящии, слышаще же,
вѣрнии. Тѣмже, радуйся, Тебѣ присно всюду и
вси, Одигитріе, поемъ.

Христа Бога нашего, о, радуйся, Одигитріе,
жилище и домъ неизреченныя и
Пребожественныя, Дѣво, славы Его! О, радуйся,
палато преукрашенная! Радуйся, граде
одушевленный, присно царствующій!

Радость неоскудную Тя разсматривающе, яко
море, Отроковице, Одигитріе Дѣвице,
радуящиеся вси, радуйся, вопіемъ Ти, и поюще,
Божественныхъ даровъ невидимо присно отъ
Тебе ожидающе.

Инъ.

Ирмосъ: *Вскую мя отринулъ еси отъ лица Твоего, Свѣте незаходимый, и покрыла мя естъ чуждая тма окайннаго? Но обрати мя, и къ свѣту заповѣдей Твоихъ пути моя направи, молюся.*

Иже въ Римѣ разслабленную здраву сотворивый, отче святыи, скорое подаждь исцѣленіе и моему недугующему тѣлеси и укрѣпленіе слабой моеи воли къ дѣланію добра.

Твоимъ, свѣте, ходатайствомъ Гратіану даровася побѣда надъ готѣи, Валентиніану миръ отъ Максима царя, и согрѣшившимъ воиномъ прощеніе отъ Θεодосіа. Исходатайствуй подобнѣ и мнѣ отъ Царя силъ прощеніе моихъ грѣховъ, миръ помысловъ и побѣду на враги — миръ, плоть и діавола, — иже присно борются со мною.

Евѣимій, хотѣи отвезти тя въ заточеніе, самъ отвезенъ бысть въ не, по велѣнію цареву; кувикуляріи Гратіановы, и жена, яже отъ Сиріи, обидящи тя, внезапно извергоша души своя; аріанинъ, хуляй тя, абіе преданъ бысть бѣсу. Молися убо, святителю, да не постигнетъ и мене, якоже онѣхъ, недремлющій судъ правды Божія, за беззаконія моя.

Богородиченъ: Людей твоихъ печаль на радость преложи, о Владычице, миръ умири, обитель сію отъ междоусобій и навѣтовъ вражіихъ сохрани, и всѣмъ намъ буди покровъ и заступленіе въ день золь.

Катавасія: Богъ Сый міра, Отецъ щедротъ, великаго Совѣта Твоего Ангела, миръ подавающа, послалъ еси намъ; тѣмъ, богоразумія къ свѣту наставьшеся, отъ нощи утренююще, славословимъ Тя, Человѣколюбче.

Пѣснь 6.

Ирмосъ: Божественное сіе и всечестное совершающе празднество, богомудрии, Богоматере, приидите, руками воспоемъ, отъ Нея рождагося Бога славимъ.

Христа, Чистая, пріемлющи, гласъ, еже радуйся, Одигитріе Дѣвице, слышаше, Егоже неизреченно рождши, радуйся, отъ всѣхъ слышиши всегда.

Радости вся исполнила еси, вышнія и нижнія Ты совокупила еси, Одигитріе, тѣмже радостно и согласно нынѣ небо и вся земля зоветъ Ти.

Вдовамъ, о, радуйся, Всепѣтая, и всѣмъ сирымъ, Одигитріе, утѣшеніе; радуйся, всѣмъ источающи нищимъ богатство неистощимое.

Зла́та вся́каго блиста́ема и у́тра со́лнечнаго
свѣтлѣ́йши, жи́лище Христо́во; ра́дуйся,
Одиги́тріе, ра́дуйся, Дѣ́вице, ра́дуйся, Невѣ́сто
неневѣ́стная.

И́нѣ.

Ирмо́сь: *Очи́сти мя́, Спа́се, мно́га бо
беззако́нія моя́, и изъ глублины́ зо́ль возведи́,
молю́ся, къ Тебѣ́ бо возопи́хъ, и услы́ши мя́, Бо́же
спасе́нія моего́.*

Ю́же въ Ме́диоланѣ́ Цѣ́рковь цѣ́лу отъ а́ріанъ
сохрани́вый, Го́споди, уго́дникомъ Твои́мъ
Амвро́сіемъ, гото́вымъ любезнѣ́ кончи́ну
му́ченическую прі́яти, не́же огра́ду о́вчую
преда́ти волко́мъ, сохрани́ и ны́нѣ мо́льба́ми его́
Цѣ́рковь святу́ю неприкоснове́нну отъ всѣ́хъ
навѣ́тъ вра́жіихъ.

Подража́тель крѣ́пкаго Иису́са яви́лся еси́,
незло́биве, егда́ моли́твою исцѣ́лилъ еси́ усо́хшую
ру́ку злодѣ́я, дерзну́вшую занести́ но́жъ на
успѣ́ніе гла́вы твоея́, и на́мъ препода́лъ еси́
о́бразъ любве́ ко враго́мъ на́шимъ, благо́творе́нія
ненави́дящимъ насъ и мо́ленія за творя́щихъ
на́мъ напа́сть.

Рече́ нѣ́кій во́лхвъ: вои́стину Амвро́сій
стра́шенъ бѣ́сомъ, я́ко не то́чию къ нему́, но ниже́

къ двѣремъ дому его приступити могутъ! — Толико страшень бывый демономъ, святителю, огради ны предстательствомъ твоимъ отъ губительныхъ стрѣлъ ихъ.

Богородиченъ: Испроси намъ у Сына Твоего, о Мати Божія, избавленія отъ всякія скорби, гнѣва и нѹжды, здравіе душевное и тѣлесное, и прощеніе согрѣшеніемъ нашимъ, вольнымъ же и невольнымъ.

Катавасія: *Изъ утробы Іо́ну младенца изблева морскій звѣрь, якова пріятъ; въ Дѣву же всельшееся Слово и плоть пріемшее пройде, сохранившее нетлѣнну: Егѡже, бо не пострада истлѣнія, Рождшую сохрани неврежденну.*

Кондакъ, гласъ 3.

Подобенъ: Божественныя вѣры.

Божественными догматы облистая, помрачилъ еси Аріеву прелесть, священнотайниче и пастырю Амвросіе; чудодѣйствуя же сілою Духа, страсти различныя явѣ исцѣлилъ еси, отче преподобне, Христа Бога моли, спастися душамъ нашимъ.

Икосъ:

Таковъ воистинну подобаше Медіолану архіерей, яковъ бысть ему святыи Амвросій —

преподобень, незлобивъ, умилень дѹхомъ,
 сокрушень сѣрдцемъ, правило вѣры, образъ
 кротости, Православія побѣрникъ, злочестія
 Аріева потребитель. Той постомъ, бдѣніемъ,
 молитвою небесная дарованія пріимъ, болящія
 исцѣляше, бѣсы изгоняше. Тѣмже, и
 совершающимъ память его, достойно днесъ
 звати къ нему: радуйся, дивная лѣторосле
 Галлійскія страны; радуйся, чудная славо
 Медиолана града; радуйся, свѣтлѣйшій звѣздъ
 небесныхъ свѣтильниче; радуйся, благодати
 Божія богатоє сокровище; радуйся, Амвросіе,
 великій чудотворче! Христа Бога моли, спастися
 душамъ нашимъ.

Пѣснь 7.

Ирмосъ: *Не послужиша твари божомудріи,
 ꙗ́че Создавшаго, но, огненное прещеніе мужески
 поправше, радовахуся, поюще: препѣтый
 отецъ Господь и Богъ, благословенъ еси.*

Радуйся, радуйся, Богородице Одигітріе, всѣхъ
 и всегда наставляющи вѣрныхъ шествовати ко
 всякому пути спасительному; радуйся,
 Владычице, Тобою бо прісно избавляемъ
 настоящія варварскія бѣды.

Радуйся, радуйся, Одигітріе, бдящи и
 молящися о насъ къ Богу, и всякія злобы

ходатайствомъ Твоимъ, всяческихъ скорбей, Богородительнице, всѣхъ людей избавляющи.

Радуйся, радуйся, Пресвятая Одигитріе, Яже прошенія наша къ пользѣ намъ исполняющи, и хотящи всѣмъ прісно всегда любодружное благое единство, спѣшное же во изыщныхъ.

Радуйся, радуйся, кораблемъ, Одигитріе, нуждно плавающимъ, избавляющи вѣрныхъ и всѣмъ избавленіе отъ всякія скорби и недуги пестротныя и медленныя разрѣшающи вскорѣ.

Инъ.

Ирмосъ: *Божія снизхожденія огонь устыдѣся въ Вавилонѣ иногда, сего ради отроцы въ пещи, радованною ногою, яко во цвѣтницѣ, ликующе пояху: благословенъ еси, Боже отецъ нашихъ.*

Наставляемый иногда отъ ангела, глаголюща ко уху, и многи зловѣрныя къ сонму правовѣрныхъ привлекій, угодниче Божій, испроси у Господа тогожде ангела, да ополченіемъ его соблюдаеми, достигнемъ въ соединеніе вѣры и въ разумъ истины.

Отче святыи Амвросіе, угодниче Христовъ великій, покровителю нашъ милостивый! Не отрини убогаго моленія нашего къ тебѣ, но испроси у Господа миръ и спасеніе душамъ

нашимъ, да зовѣмъ ти: радуйся, ѡтче, избавленіе наше.

Шѣствоваху иногда издалѣча словѣснѣйшіи мѹжи, видѣти точію тебѣ хотяще, и, бесѣдовавше съ тобою на мнозѣ, чудишася глубинѣ боговѣдѣнія твоего. Осіяй онѣмъ и насъ, ѡтче, да возлюбльше истину, не влаѣмся вѣтромъ всякаго ученія.

Богородиченъ: Егда ѡтъ окайнаго тѣлесѣ сего изыти имать убогая душа моя, тогда приклоняема милосердіемъ Твоимъ, предстаніи ми, о Владычице, и простри рѹцѣ Твои, яко голубинѣ крилѣ, подѣ сѣнію тѣхъ сохрани мя ѡтъ страшнаго взора лютыхъ демоновъ, воздушную бездну помози ми пройти и горнихъ селеній достигнути.

Катавасія: *Отроцы, благочестію совоспитани, злочестиваго велѣнія небрегше, ѡгненнаго прещенія не убояшася, но, посреді пламене стояще, пояху: отцевъ Бѡже, благословенъ еси.*

Пѣснь 8.

Ирмосъ: *Отроки благочестивыя въ пещи Рождество Богородичо спасло естъ, тогда убо образуемое, нынѣ же дѣйствуемое, вселенную*

*всю́ воздвизаетъ ꙗ́ко Тебѣ́: Го́спода по́йте,
дѣла́, и превозносите́ Его́ во вся́ вѣ́ки.*

Ра́дуйся, Всеблагословѣ́нная Ма́ріе, изъ Тебе́ бо
Всеблагословѣ́нный Бо́гъ одѣ́яся во всего́ мя,
человѣ́ка, и, одѣ́явся, соедини́ Своему́ Божеству́
неизрече́ннымъ соедине́ніемъ, Дѣ́во Одиги́тріе;
ра́дуйся, Обра́дованная, ра́досте всего́ мі́ра.

Ра́дуйся, лука́выхъ духо́въ Прогони́тельнице;
ра́дуйся, Богоро́дице Одиги́тріе; ра́дуйся, ꙗ́ко
Тебе́ небѣ́сная невиди́мая во́инства славосло́вятъ
всегда́ и велича́ютъ ꙗ́ко Ма́терь Бо́жію бы́вшую;
ра́дуйся, Я́же ни́жняя сочта́вши съ вы́шними.

Ра́дуйся, всѣ́хъ небѣ́сныхъ си́ль безъ
разсужде́нія превосхо́дящая; ра́дуйся,
Одиги́тріе; ра́дуйся, вся́кія тва́ри Бо́га ро́ждшая,
господствую́щи, ей, Влады́чице Всепѣ́тая;
ра́дуйся, ꙗ́ко пребыва́еши Дѣ́вою, Чи́стая, и по
рождествѣ́.

Ра́дуйся, жена́мъ всѣ́мъ сла́во, хра́ме
преосвяще́нный Бо́га на́шего; ра́дуйся,
Одиги́тріе; ра́дуйся, душеспаси́тельная все́й
вселѣ́ннѣй; ра́дуйся, покрыва́ющій о́блаче,
небѣ́сь ши́ршая; ра́дуйся, мѣрополо́жнице,
Божѣ́ственного мѣ́ра полна́.

Инъ.

Ирмо́сь: *Седмери́цею пѣщъ халде́йскій мучи́тель богочести́вымъ неистовно разжжѣ, си́лою же лу́чшею спасѣны сія́ ви́дѣвъ, Твори́у и Изба́вителю вопія́ше: о́троцы, благослови́те, свяще́нницы, воспойте, лю́діе, превозноси́те во вся́ вѣ́ки.*

Нечи́стаго ду́ха отъ Пано́фія изгна́вый, посла́ди же сего́ воскресі́вый, святи́телю и чудотво́рче, воскресі́ и мою́, грѣхми́ умерщвле́нную и во гробѣ́ нечу́вствія лежа́щую ду́шу, и бу́ди ми́ помо́щникъ на зла́го моего́ сопроти́вника.

Густи́на зло́бяшеся на тя́, я́коже Іезаве́ль на Илію́, Иродіа́ на Предте́чу, и па́кости мно́ги ти́ дѣ́яше, но вся́ сія́ терпѣ́вый и враго́мъ своимъ благотвори́вый, незло́биве, настави́ и мене́ не воздава́ти зло́мъ за зло́ оби́дящимъ мя́, сопроти́вное же, благословля́ти.

Егда́ грѣ́шнии исповѣ́даху ти́ грѣ́си своя́, толи́ко тогда́ пла́калъ еси́, о́тче, я́ко и жестосе́рдїи отъ нихъ́ умиля́хуся. О, дабы́ и моё́ се́рдце сокруши́лось благода́тію моли́твъ твои́хъ! Да слеза́ми пока́янія измы́лъ бы́хъ убо́ на вся́ку но́щъ ло́же моё́ — нечи́стую со́вѣсть мою́, и

омочилъ бѣхъ ими постѣль мою — скверную плоть мою.

Богородиченъ: Мати Божія Всемиловитая, не отступи отъ мене, за еже въ лѣности иждиваю дніе мой, но буди ми Одигитрія въ сей юдоли многоскорбнаго странствованія моего, плачь мой приими, и въ горняя мя доведи, да хвалю, благословляю и покланяюся тамо Господеви, поя и превознося Его во вся вѣки.

Катавасія: Чуда *преестественнаго*
росодательная изобрази нещъ образъ: не бо, яже
пріятъ, палитъ юныя, яко ниже огонь
Божества — Дѣвы, въ Нюже вниде утробу.
Тѣмъ, воспѣвающе, воспоемъ: да благословитъ
тварь вся Господа и превозноситъ во вся вѣки.

Пѣснь 9.

Ирмосъ: Всякъ земнородный да възграется,
Духомъ просвѣщаемъ, да торжествуетъ же
безплотныхъ умовъ естество, почитающее
священное торжество Богоматере, и да
вопіетъ: радуйся, Всеблаженная Богородице,
Чистая Приснодѣво.

Радуйся, свѣще, Свѣтъ неувечерній понесшая, и
въ рождествѣ Твоемъ многобожія тму
разрушившая, и адовы пропасти избавльшая

люди; радуйся, Одигитрие Богородице, добротъ всѣхъ Предходатаице.

Радуйся, землѣ, изъ неяже класъ прозябшій небесный вѣрнымъ, и міра всего душегубнаго глада избави, разумная и одушевленная; о, радуйся, винограде, иже гроздь животный рождающая, Богородице Чистая Одигитрие!

Радуйся, тайныхъ цвѣтовъ прекрасный сущій раю; радуйся, Мати Дѣво, невидимыхъ разумъ чистотою страннолѣпно побѣждши, Богородительнице; радуйся, Отроковице; радуйся, Одигитрие, всемірное чудо и слышаніе.

А́то живота́ нашего́ прочее́ сохрани́ невреждѣно,́ помо́женіемъ Твои́мъ, Дѣво́ Отрокови́це, и сподо́би ко́нѣцъ бла́гій получи́ти на́мъ, воспе́вающимъ Тя́ и взы́вающимъ: радуйся, Всеблаже́нная Богоро́дице, Чи́стая Одиги́трие.

Инѣ.

Ирмо́съ: Ужасе́ся о се́мъ не́бо, и земли́ удиви́шася ко́нцы,́ я́ко Бо́гъ яви́ся чело́вѣкомъ плоти́ски, и чре́во Твое́ бы́сть пространнѣ́йшее не́бесъ. Тѣ́мъ Тя́, Богоро́дицу, а́нгеловъ и чело́вѣкъ чи́нонача́лія велича́ютъ.

Аще и подобоустрастную мнѣ природу имѣлъ еси, святителю, обаче воздержаніемъ и молитвою отъ страстей предпочистився, еще въ жизни временнѣй видимаго сошествія на тя Святаго Духа сподобился еси, и чудотворецъ былъ еси, исцѣляя недужныя. Сотвори же и мене причастника сего Духа Утѣшителя, и утоли болѣзни моя душевныя и тѣлесныя.

Лишенія и скорби, подвиги и труды земнаго странствованія твоего кто изочтетъ, святителю? Вся бо жизнь твоя на земли — трудъ и болѣзнь о спасеніи ближнихъ, и самъ ты былъ еси, яко жертва всесожженія Господеви. Тѣмже издалеча провидѣвъ, и, яко гостю вождельнную, срѣтивъ кончину свою, востѣклъ еси въ горняя со тщаніемъ къ Царю царей.

Отче святыи Амвросіе, иже здѣ лицемъ къ лицу Господа узрѣвый, и тамо на небеси присно съ Нимъ ликуяи, не забуди ны грѣшныя въ мольбахъ твоихъ у престола Его, да на западѣ дней нашихъ сподобить насъ христіанскія кончины безболѣзненны, непостыдны, мирны и добраго отвѣта на страшнѣмъ судищи Своѣмъ.

Богородиченъ: Еди́но отъ о́чию Тво́ею, Ма́ти Бо́жія, еди́нъ Ма́терній ходата́йственный взо́ръ Тво́й къ Сы́ну Твоему́ мно́го мо́жетъ ко

умилостивленію Его́ о грѣшницѣхъ. Тѣмже мо́лимъ Тя: бу́ди о насъ прісна́я къ Нему́ ходата́ица.

Катавасія: *Та́инство стра́нное ви́жу и пресла́вное: не́бо — верте́нь; престо́лъ херуві́мскій — Дѣ́ву; я́сли — вѣ́стѣице, въ нихже возле́же Невѣ́стѣи́мый — Христо́съ Бо́гъ, Его́же, воспѣ́вающе, велича́емъ.*

Свѣтиленъ, гласъ 6:

Во плоти́ безплотныхъ житі́е проходя́, о́тче Амвро́сіе, и украси́въ ду́шу твою́ пе́рлома добродѣ́телей, содѣ́лался еси́ жили́ще а́нгельскія чистоты́. Сего́ ради Влады́ка Христо́съ, восхити́въ ду́шу твою́ отъ мра́чныхъ юдо́ли сея́ къ невече́рнему свѣ́ту Ца́рствія Своего́, облече́ ю въ ри́зу спасе́нія вѣ́чнаго, я́ко жениху́ возложи́ ей вѣ́нецъ и, я́ко невѣ́сту Свою́, украси́ ю красото́ю Божѣ́ственного сія́нія.

Сла́ва:

Здѣ́ е́ще просія́вый лицѣ́мъ, я́ко со́лнце, и убѣ́ливыйся, я́ко снѣ́гъ, по да́ру Утѣ́шителя Ду́ха, и та́мо въ черто́гахъ ра́йскихъ осія́ваемъ прісно́ зрѣ́ніемъ Божѣ́ственныхъ Тро́ицы, святы́й Амвро́сіе, моли́ свѣ́тода́вца Го́спода просвѣ́тити одѣ́яніе ду́ши моея́, да и а́зъ съ му́дрыми дѣ́вы —

чи́стыми и святы́ми ду́шами, вни́ду нѣкогда въ
небе́сный черто́гъ Божественныя славы Его́.

И ны́нѣ:

Богоро́дице Пречи́стая, Яже безъ сѣмене
ро́ждши всѣхъ Влады́ку. Того́, со святи́телемъ
Амвро́сіемъ, моли́ изба́вити мя возду́шныхъ
мыта́рствъ и ге́енскаго муче́нія, да всегда́
прославляю́ Отца́ и Сы́на и Свята́го Ду́ха, и Твое́
ми́лостивное на мнѣ́ предста́тельство, во вѣ́ки
вѣко́въ, ами́нь.

На хвали́техъ стихи́ры на 4, гла́съ 6:

Тебе́, Бо́га, хва́лимъ,* **Тебе́,** Го́спода,
исповѣ́дуемъ, —* **воспѣ́ль** еси́, **богомудре**
Амвро́сіе,* и **научи́ль** еси́ **на́съ** сла́вити въ
Тро́ицѣ́ Еди́наго Бо́га.* **Тому́** моли́ся* **безъ** грѣ́ха
сохрани́тися **на́мъ*** и **спасти́ся** ду́шамъ
на́шимъ. [Два́жды.]

Идѣ́же пресла́вный апо́стольскій ли́къ,* **идѣ́же**
проро́ческое хвале́бное число́,* **идѣ́же** пресвѣ́тлое
мучени́ческое во́инство,* **та́мо** и ты́, со іе́ра́рхи и
учи́тели церко́вными* **сца́рствуеши** въ вѣ́чнѣй
сла́вѣ, **свя́те** Амвро́сіе.* **Моли́ся** Го́сподеви, **безъ**
грѣ́ха **сохрани́тися** **на́мъ*** и **спасти́ся** ду́шамъ
на́шимъ.

Престо́лу Влады́чню ны́нѣ предсто́я,* блаже́нне Амвро́сіе,* немол́чну хвалу́ воспѣ́ваеши Тріеди́ному Бо́гу,* Ему́же вси́ а́нгели,* небеса́ и вся́ си́лы,* Ему́же херуви́мы и серафи́мы непреста́нными гласы́ взыва́ютъ:* Свя́тъ, Свя́тъ, Свя́тъ Госпо́дь Бо́гъ Савао́ѡтъ!* Тому́ моли́ся безъ грѣ́ха сохра́нися на́мъ* и спаси́ ду́ши на́ша.

Сла́ва, гласъ то́йже:

Аще по́лны сү́ть небеса́ вели́чества сла́вы Твоея́, Тріи́постасне Вседѣ́телю, оба́че и мы́, земля́ и пѣ́пелъ, Тебе́, Бо́га, хвали́мъ, Тебе́, Го́спода, исповѣ́дуемъ и мо́лимъ: не презри на́съ, уничиже́нныхъ зѣло́, но, моли́твами уго́дника Твоего́ Амвро́сія, сподо́би безъ грѣ́ха сохра́нися на́мъ и спаси́ ду́ши на́ша.

И ны́нѣ, гласъ то́йже:

Иже ко изба́вленію при́емый челове́ка, и дѣ́вическаго чре́ва не возгнуша́выйся, Царю́ сла́вы, Христѣ́ Бо́же на́шъ, не презри на́съ до конца́, не отрини па́дшее создáніе Твое́, его́же ра́ди пречи́стую Кро́вь Твою́ на Крестѣ́ излія́лъ еси́, но, моли́твами Пречи́стыя Ма́тере Твоея́, изба́ви ны́ отъ страсте́й безче́стія и спаси́ ду́ши на́ша, я́ко Челове́колюбецъ.

[Славосло́віе вели́кое. Ектені́й, и отпу́сть.]

НА ЛИТУРГИИ,

Блаженна, отъ канона святи́теля пѣснь 3-я и 6-я. Прокименъ, гласъ 1: Уста́ моя возглаголють премудрость,* и поуче́ніе се́рдца моего́ разу́мъ. Стихъ: Услы́шите сія́ вси́ язы́цы, внушите́ вси́ живу́щии по вселеннѣй. Апосто́лъ ко Евре́омъ, зачало 335. Аллилу́ія, гласъ 2: Уста́ праведнаго поуча́тся премудрости, и язы́къ его́ возглаголетъ судъ. Стихъ: Зако́нь Бо́га его́ въ се́рдцѣ́ его́, и не за́пнутся стопы́ его́. Евангеліе Луки́, зачало 24. Прича́стенъ: Въ па́мь вѣ́чную бу́детъ праведни́къ, отъ слуха зла́ не убои́тся].

